

S1-61  
1

二如亭群芳譜

果譜小序



蘇音裸

周官備物實籩必藉夫乾榛衛侯典邦樹木不  
遺乎榛栗蓋先王制禮本人情盡物曲不貴異  
物不重難得郊廟以廣仁孝燕享以示慈惠下  
逮郡邑閭里交際往來莫不惟禮是憑焉果蓏  
二十用佐五穀載在方冊千古不易已苟品物  
弗具卽誠敬其奚將若物性未達卽培植其奚

展勿曰吾不如老圃君其問諸圃人也作果譜

濟南王象晉盡臣甫題



果譜卷之五

二如亭群芳譜

果譜簡首

衛果

衛花同

元旦日未出時用朱幡画日月七星像每遇風

起豎園內東墻下即大風發屋拔木園內花果

無損

崔元徽  
故事

元旦及端午日於五鼓以斧雜

斫諸果樹又春社日以物春百果樹根下則子

繁而不落不結實者亦用此法 元旦端午雞



鳴時以火照諸果樹無虫且結子繁盛 凡諸

果樹花盛時一遭霜卽無實遇二九內有雨入

春百日内必有霜頃冷多積亂草遇天雨

初晴此必有濃霜焚草上風煙氣

所觸霜不爲害 棗熟着霧則多損以鞞麻或

稽穰四散綵樹上可避霧 凡樹根下常耘草

令淨草多則引虫蠹亦能分地力樹下勿使有

坑坎雨後水漬根朽葉黃宜令平滿比地面高



三五寸爲妙 凡果樹蠹虫宜盡去之其法用

鐵線作鈎取之一法用硫黃或雄黃作煙薰之

卽死或用桐油紙燃塞之亦驗

王禎農書

又當虫

未出時凡聚葉腐枝皆虫所窟穴宜盡去之清

明日三更以稻草縛樹上不生戴毛虫 林檎

樹生毛虫埋蠶蛾於樹下或以洗魚水澆之卽

止 桃樹生虫以多年竹燈架掛樹上卽落

生人髮掛果樹上鳥鵲不敢偷食 木瓜石榴

等樹十月後以穀草或稻草將樹身包裹用糞  
麻紵定泥封以糠粃培壅其根免致霜雪凍損

### 種果

地不厭高土肥爲上鋤不厭數土鬆爲良又要  
各按時即臨下子時必日中晒乾擇淨然後合  
浸者浸之不浸使用撒入鬆土子細者撒在上  
面下子訖卽用糞蓋成行與打潭種者亦然下  
子日要晴雨則不出三五日後又要雨旱則不

生須頻潑水 若桃杏之類須擇美而大者作

種待極熟時望前于向陽煖處寬掘坑深尺餘  
牛馬糞和土填半坑取核尖頭向上排定旋以  
糞土填平至春生芽萬不失一水浸風吹則仁

腐不生桃杏宜和肉種俟成小樹帶土移栽大  
率兩步一株又云桃宜稀李宜密杏宜近人家

凡種盆中花果須先儲土夏月取陽溝中泥  
晒乾敲細頻澆糞旋晒乾數次後一層土一層



草燒二三遍收無雨處入盆栽種自然茂盛

### 栽果

栽果宜望前茂而多實望後則實少栽後時澆水頻覆土勿太乾乾則根不行勿太溼溼則根易腐勿露空隙有隙則風易入如根無宿土者但深掘坑以清糞水和土成泥栽於泥中輕提起使樹根與地平則舒暢而不拳屈三四日後方用水澆灌四圍用木架縛穩勿令搖動無不

活者栽後以棘茨圍樹四週則人畜不能損棘  
氣暎又可避霜凡栽種以二月爲上宜六儀母  
倉除滿成收開及甲子巳巳戊寅巳卯壬午癸  
未巳丑辛卯戊戌巳亥庚子丙午丁未戊申壬  
子癸丑戊午巳未等日忌死炁乙日建破西風  
及火日又鄉俗以八月十三至廿三此十日爲  
詹家天忌栽植

扞果

諸果於三月上旬取直好枝如拇指大長三尺  
插大芋或大蘿蔔蕪菁中種之皆活三年後成  
樹全勝種核 一說几扞插花木先于肥地熟  
劖細土成畦用水滲定正月間樹芽將動揀肥  
旺直條拇指大者斷長尺餘每條下削成馬耳  
狀以小杖刺土深約與樹條過半然後以條插  
入以土壅實每穴相去尺許常澆令潤搭棚蔽  
日至冬換作暎蔭次年去之俟長高移栽扞插

須天陰方可遇雨活多無雨活少

### 接果

凡果樹以接博爲妙取速肖也枝條必擇其美

宜宿條向陽者氣壯

而茂嫩條陰弱難成

根枝各從其類

荆桑接魯桑梅接杏

桃接李櫟接栗

赤梨棠梨接梨

接工必用細齒截鋸一連厚脊

利刃小刀一把要心手穩又必趁時

春分前後十日爲宜

或取條觀青爲期然必時暄方可接蓋欲藉陽和之氣也

一經接博二氣交

通以惡爲美其利有不可勝言者接博之法有



六一曰身接

貼大宜高接先用細鋸截去元樹枝莖作盤砧高及肩以利刀小刀

際其盤之兩旁微啓小罅深一小寸先用竹籤

測其深淺却以所接條約寸許一頭削作小筧

子先噙口中假津液以助其氣內之罅中極要

快捷緊密須肌肉相對插訖用樹皮封纏內寬

接時忌食

外緊牛糞和泥斟酌封裹仍用寬兜盛土培養

接頭勿令透風見日上乾則洒以水芽出非接

頭上者悉去之培土上露接頭 二曰根接 貼小

一二眼以通活氣天晴則易活 宜近

地鋸截斷元樹身去地五寸許以所取條 三曰

削筧插上如身接法培以土以棘護之 三曰

皮接 用小利刃于元樹身八字斜剉之小竹籤

測其淺深以所接枝條皮肉相向插之封

護如前法候接枝條 四曰枝接 如皮接之 五曰

發生去其元樹枝莖

法而差近

五曰



壓接

小樹爲宜先于元樹橫枝上截去留一尺許于所取接條樹上眼外方半寸刀尖割

斷皮肉至骨併揭皮肉一方片口噙少時取出印溼痕于橫枝上以刀尖依痕刻斷元樹壓處大小如一以接按之上下兩頭以桑皮封繫緊慢得所仍用牛糞泥塗護隨樹大小酌量多少

接

六曰搭接

將已種出芽條去地三寸許上削作馬耳將所接條併削馬耳相搭

接以人唾粘連封繫糞壅如前法陳瑩中曰色紅可使紫葉單可使于花小可使太子少可使繁黃山谷曰雍也本

犁子仲由元鄙人

過貼

壓條接換俱不能者乃用過貼卽寄枝也先移

葉相似性相同之小樹置其旁可以枝相交合處以刀各削其半皮與膜對合麻皮纏固泥封嚴密如欲貼繡毬花先取八仙栽培于瓦盆中次年春連盆移就繡毬花畔將八仙花梗離根七八寸許括去皮半邊約二三寸又將繡毬花嫩枝亦括去皮半邊彼此挨合一處用麻纏縛頻澆肥水至十月候皮生合爲一處截斷繡毬本身將盆移開自然暢茂周歲斷者尤佳

玉蘭花先以木筆同上法山茶海棠桃李杏皆  
可貼寄俱于二三月間

### 壓枝

春間屈樹枝就地用木鈎攀釘堅牢燥土壅起  
身半段以熟土覆枝四五寸厚露稍頭半段勿  
壅以肥水澆灌區中至梅雨時枝葉仍茂根已  
生矣壓時須枝跗相連處斷其半用土封厚次  
年新葉將萌方斷連處霜降後移栽

順性

凡果蔬花卉地產不同秉性亦異在北者耐寒  
在南者喜暎高山者宜燥下地者宜溼早茁者  
發于和煦之時遲生者盛于寒沍之候北者移  
之南則盛南者遷之北則變如橘踰淮則爲枳  
菁在南則無根龍眼荔枝之類盛于南方榛松  
棗栗之屬蕃于北土梅李桃杏當春夏卽登筵  
几棗柿栗榛俟秋冬方實俎豆此物性之固然